

Vray Pronosticq' fait par le Maistre, disciple de Nostradamus. Pour l'an 1567.

Publisher: Lyon : Benoist Rigaud, 1567.

Physical desc.: pp. 38. ; 80.

Held by: British Library Collection; Shelfmk Humanities ; 1607/737.

CHOMARAT 92

V R A Y
P R O N O S T I C Q'
*Fait par le Maître disciple de
Nostradamus.*

Pour l'An 1567.




A LYON,
Par Benoist Rigaud.

1567.

Avec permission.

Des Eclipses de l'an 1567.



Nous aurons ceste
presente annee,
mil cinq cens soixante
& sept, Eclypse de so-
leil le 9. d'Auril, a mi-
dy, La lune estant au
29. degré du signe d'A-
ries.

ET le dixhuitieme iour d'Octobre a vne
heure 42. m. du matin au 25. degré du si-
gne d'Aries. nous aurons Eclipse de lune estant
en la plenitude, chargee d'un point & 12
degrés, & durera 1. heure & plus. desquelles
Eclipses n'escrions de leur influences & qua-
lités remettant le tout à la diuine bonté de
nostre Seigneur, lequel par sa clemence &
miseri corde, nous vueille preseruer & gar-
der de tous maux & inconueniens. Ainsi
soit-il.

I A N

I A N V I E R.

3



Le 2. iour de Ianuier sera le dernier quartier de la Lune. à 7. heures 52. minutes du matin avec pluyes & humidités. Durant ce mois & iusques enuiron le 26. du suiuant, vn grand Seigneur vestu de rouge, duquel on aura pas tenu grand conte pendant la conionction du soleil en leo & libra, sera en grand credit en France, chacun luy fera honneur, & sera aymé de plusieurs, mesmes les plus grans luy feront des banquets magnifiques, & luy cederont premier lieu: Vray est qu'il voudra estre bien nourry & traicté de viandes les moins humides, qui luy seront à la verité les meilleures, parce qu'il sera de la complexion & nature de Mars. Il aura si grand credit au conseil priué & enuers les plus grandes dames qu'il n'y aura pas vne
a 2 d'en

d'entre elles qui se desdaigne luy decouurir ce que plus elles tiennent secret. Et nonobstant y aura des ingrats qui luy feront la mouë, & les autres luy hofcheront la teste. En uiron Pasques son credit sera fort diminué.

La nouuelle lune fera le 10. à 10. h. 3. minutes du matin avec fortes geles, verglas & brouillars espais. Grande resiouissance sera au Roy & à la Cour, avec nouuelles de bonne fortune, apaisement de querelles & debas, horsmis contre le Seigneur dont est fait mention cy deuant, contre lequel s'esleuera vn autre de pareille robbe, qui essayera par tous moyens de defaire & mettre à neant ce que l'autre aura fait, & le plus souuent le fera, *Vnde magna nascetur incommoda.*

Le premier quartier sera le 18. de
ce

ce mois à 5. h 52. m. du matin, avec vne opposition de Iupiter qui suscitara des vés tresimpetueux & violés. Plusieurs Prisonniers du pais du Mans (*Horescore ferens*) seront menés à diuerses fois à Paris, auxquels on fera miserablement finir leur vie, avec telle precipitation, qu'ils n'auront pas loisir d'oster leurs esperons. Aucuns ennemys de paix feront des embusches secrettes pour atraper & assassiner les poutres innocens.

La plene lune sera le 14. à 10. h. 26. m. du soir, avec vn quadrat de Iupiter qui precedera ceste oposition, dont seront excités vents avec pluyes. Plusieurs qui seront sortis des pays de Rouërgue & Bayonnois, Bearn & Troyes, receuront mauuais traitemēt es pays ou ils seront trouuez. Et fera leur ruyne refraichissement d'amitié enuers aucuns, qui se riront de leur malheur.

Le dernier quartier fera le 1. de Fē-
urier à vne heure 52.m. du matin, la
lune estant en la teste du dragon, le
temps sera pluuieux & intemperé a-
uec froidure, participant avec les si-
gnifications des deux chapitres pro-
chains precedens. Et y à danger qu'el-
les ne soyent plus aspres durant ce
quartier & les deux suyans.

La nouuelle lune fera le 9. à 4.h.53.
mi. du matin, qui sera froide & seche,
tendant aucunement sur la tempera-
ture. Et pource que Venus se trouue
prochaine à ceste conionction, durant
cette lune, seront excitees plusieurs
querelles nocturnes pour le fait des
choses veneriques, dont on orra plu-
sieurs cris horribles & lamentables.

Aucuns avec les mains armees se-
ront veuz aller par dessus les toits
des maisons, & apres entrer dedans
à cachettes pour acomplir leurs de-
sirs,

firs. Autres seront veuz monstrier au visage chose qui sera autrement au dessous, d'ont aucuns seront en peine & soucy, principalement les femmes, & plusieurs deceuz de leurs penſees: tellement que la moitié du monde se desguisera pour tromper l'autre.

Le premier quartier sera le 16. à 2. h. 51 m. apres midy, le temps sera au cōmancemēt nubileux, froid & humide, & apres il tendra à temperature & beau tēps, durāt le reste de ceste lune & iusques à la plenitude de la suyuan te, seront faictes plusieurs occisions secretes en diuers lieux: dont ne sera faite aucune punition: le quart aspect de Saturne à la lune, & le soleil affigé en pisces en la 8. maison, qui est maison de mort par le diametral aspect d'iceluy. Saturne menasse grande mortalité à la classe marine. Tou-

tesfois le cœur du ciel estant occupé par le signe d'Aries à cause de sa force diminuera quelque chose des susdites significations. La queue du dragon au signe de Taurus, nous montre qu'en despit des enuieux les baladins tumbez d'Italie apprendront a faire les capriolles a la capirotade.

La pleine lune fera le 23. dudit mois à 9.heur. 53.minutes du matin, le temps sera beau & assés doux & temperé. En quelques endroits de la Bourgongne sera veuë vne certaine maniere d'animaux allans par les lieux aquatiques, ayans les iambes fort longues, leur stature sera iusques à sept ou huit pieds de hauteur: le benin aspect de Iupiter à Venus empesche qu'ils ne feront point de nuisance, si l'on ne les irrite, & que de cas fortuit ils ne veuillent baiser leur grand mere.

M A R S

Le dernier quartier de la lune sera le 2. du mois de Mars à 7. heure. 52. minutes du soir, qui sera venteux participant de quelque froidure: La gent bazannee aura beaucoup à souffrir tant par feu que par glaiue, iusques a la fin de ce mois que la paix sera faicte: Plusieurs nouvelles faulx courront mesmes du faict d'armes & de guerre & de choses concernans les affaires des grans: ceux qui passeront la zone torride pour faire nouvelle conqueste, en fin repassans par Bauiere y laisseront leur butin.

La nouvelle lune sera le 10. de ce mois à 7. h. 56. minuttes du soir, vent doux & gracieux tendant à humidité: Vous qui aués si lōg temps croupy au sommeil paresseux ie vous voy esleuer les cornes en toute liberté, defier avec trop grād audace & escaler (vous armés sur le doz) les plus superbes mu

railles & fortereffes. Aucuns d'entrē vous y ferēs atrappés, qui feruirés de pasture pour appaifer la fain des esclaves de l'ombre, par ainsi gardez vous de trop entreprendre, combien qu'en fin par grande indulgence tout sera pardonné.

Le premier quartier sera le 17. de ce moys a 11.h. 52. minuttēs apres midy, qui sera pluuieux pour la pluspart. Plusieurs choses serōt reuelees qui au parauant estoient cachees, dont aucuns seront veuz fort melancolicques & songeards, & d'autres en feront doublement leur profit: qui sera sage se gardera de trop parler, les iuges plus scrupuleux en bailleront plus longue penitence, apres l'acomplissement de laquelle l'on vendra les oysons comme au parauant.

La pleine lune sera le 24. dudit moys a 8.h. 36. minuttēs du soir: le tēps
ten

tendant à toute serenité, avec vens doux & gracieux. O cōbien de chans funebres, O combien de lamentatiōs seront ouyes en diuers lieux, Combien de larmes espandues. le voy plusieurs gens qui se preperent de tous costés pour tirer profit de la simplicité d'autrui: Dieu par sa grace y vueille remedier. Le trine aspect de ♀ à la lune le 30. de ce moys apaisera toutes choses: Mars Seigneur de la sixiesme maison fera mourir force bestial, mesmes du menu, apres que les langues de feu en auront parlé.

A V R I L.

Le dernier quartier de la lune sera le premier iour de ce moys d'Auril a 3. heures 53. minuttes apres midy. Le temps sera au commencement clair & serain: puis se conuertira en petites pluyes ou brouillardz dangereux. Les

effets de ce quartier de lune s'accordent avec le precedēt quant à la mortalité du bestial a cause de Saturne seigneur de la fixiesme maison en la douzième, & que Mars se trouue en ladicte fixieme. Plusieurs nouuelles courront de mort d'opression ou mescontētemēt de grans, mais il se faut garder de croire de leger.

La nouvelle lune fera le 9.iour de ce moys a 10.h. 11.minuttes du matin qui sera pour la pluspart pluuieuse. O estrange merueille on verra le iour conuerty en oscure nuyt par vn long espace de temps, dont plusieurs serōt estrangement esbahis, & non sans cause. Ceux qui se cachent dans les tanières viuans en oyfiueté de la sueur du poure laboureur seront recerchez par plus petis qu'eux, & plusieurs d'entre eux demeureront surprins, tués, massacrés, & plusieurs playes sur tout leurs corps,

corps, & ceux qui feront telles cruautés au lieu d'en estre punis en seront remunerés. Et qui pis est la guerre sera tant cruelle qu'apres la mort seront iugez par vulcan.

Le premier quartier sera le 16. a 5. h. du matin. Le temps sera clair & serain participant de quelque froidure, qui incitera plusieurs à la mesnagerie. Je voy beaucoup de gens abandonner leur repos, pour troubler celuy d'autrui : & dresser des aguets & embusches à ceux qui ne leur font aucune nuisance. Le quadrat de Venus à la lune, demonstre que quelques dames s'en trouuant mal contentes tascheront d'en prendre vengeance, & a reparer leurs pertes passées, par ruzes & fineses. A quoy leur sera grandement fauorable la conionction de Venus & Mercure qui sera le 19. de ce mois.

La pleine lune sera le 23. de cē moys à 8 .h. 42 .m. du matin avec petis vens froids & humides. Les effects de ceste pleine lune sont cōformes au reste entierement avec ceux du 1. quartier. Plusieurs de ceux qui executeront ce qu'ỹ est predict s'ils peuuent se despouiller de toute affection & de la superstition qu'ils auront d'auoir esgard aux augures, pourront ouyr avec voix intelligible les oyseaux leur chanter la verité. La cōionction precedēte de la lune a Iupiter donne tesmoignage trescertain qu'ils n'en croiront rien: & de cela n'en vandront gueres pis pour l'entretènement des confederations vicinales & curiales.

M A Y.

Le dernier quartier de la lune sera le 1. iour de ce moys a 8 .h. 52. minuttes du matin, qui nous promet beau tēps
avec

avec chaleur & vents gracieux. A l'entree de ce mois & autres suyans ie voy vne perpetuelle cōtinuatiō de la guerre de ceux de la Morce, qui monstrent que les vieilles armes sont encores autant incōmodes aux hommes qu'au temps passé, par ce que nonobstant le vent austral, qui estōnera leur voiles, ils ne laisseront de donner tant d'escarmouches a leurs aduersaires, qu'ils n'aurent loisir de reposer, de sorte que vaincus, seront contraincts souuentes fois laisser le camp libre. Et parce que par la benignité du Soleil, le temps cōtinuera en chaleur, cela causera plus grande hardiesse: mais en fin leur seront dressees tant d'embusches, que beaucoup y laisseront la peau, par la subtilité & adresse de certaines Amazones (qui renaistront en la presente lune) qui trouueront inuention nouvelle pour les subiuguer.

La nouvelle lune sera le 8. a 8. h. 33. minutes du soir, le temps sera doux & benin, avec nuees blanches & rofees fresches. Beaucoup de gens valetudinaires ayans esté aduertis de la venue de l'Ambassade du grand Seigneur, se donnerent peine de l'aller voir, & attêdu qu'il n'entrera dedans les villes, se mettront aux champs, dont les vns feront fort resiouys, de veoir & sentir les odeurs, baumes & musques desquels il sera accōpagné: Et les autres des bōnes nouvelles qu'il apportera: voire on fera prieres publiques pour sa prosperité, *quod multis mirum videbitur*. Toutesfois, par ce que la queuë de Rosa amyë du grand Seigneur aura esté coupee, lon verra de grandes seditions entre les gens plus solaires & æriens que les Saturnistes. *Et quibus iucunda quies*: plusieurs animaux rongeront les biens de la terre.

Le

Le premier quartier fera le 15. a 54. minu. apres midy, le temps fera moderé & doux. Pédant ce moys le peuple viura en assez grande paix si non qu'il y aura quelques personnes qui voudront faire profefsion de la politique methodiquement, & certains poinctz ne seront agreables a quelques auditeurs, lesquels seront tant despités, qu'ils tournerōt leurs robbes: Ils feront autant d'honte a leurs noms qu'au parauant ils l'auoyent honoré: Et sera fait largesse, Ceste entreprinse aura quelque continuation attendu qu'infaliblement, la terre miraculeusement arrosera de son sang les amigdalles inbibées, de sa fumée. Et lors ferōt les humains si prompts, & l'ouye tant ouuerte qu'ils entendront le langage les vns des autres de plus de mille pas. Aufurplus naistra quelque monstre horrible a veoir, qui neātmoins ne

c' nuyra

nuyra à personne, & passera sans offenser, ny estre offensé, quoy que lon luy eust apresté des embusches.

La pleine lune sera le 22. à 9.h.56.m. apres midy, beau temps clair & serain avec petis vens doux, bon pour les biens terriens. Grande preparation se fera pour la tuition de la liberté, combien que par le sinistre aspect de virgo il nous soit signifié quil y aura de lempeschement par quelque cerueau alambicqué, qui sera reduit au neant, *non sine puluere.*

Le dernier quartier sera le dernier iour de ce moys à 52. minuttes apres minuit, temps frais qui se conuertira en pluyes & vens fascheux. Il y aura grande mutation, car ceux qui auront esté hommes, *etiam quasi ad tertium cælum* seront par vn repentin changement tant abaissés, quilz auront occasion de se resouuenir de leur premiere
quali

qualité lors ils cognoistront que rien n'est de felice *ante obitum*, & que quant les hōmes sont departis à ceux qui en abusent, qu'il aduient qu'ils en sont aussi abusés, *adeo fortuna mutabilis*.

I V I N.

Le 7. iour de ce mois la lune sera nouuelle à 7. h. 7. minuttes du matin. temps pluuieux & chaleur humide. Beaucop de personnes s'addōnerōt à faire voiajes & perigrinatiōs, dont prouiedront plusieurs maladies qui seront dāgereuses, sid'heure il ny est pourueu, Parquoy *Venienti occurrite morbo*. Entre autres souffriront beaucoup ceux qui serōt enuoyés en expedition cōtre les pieds verds, ne pouuans trouuer breu-uage propre à leur maladie, ce dequoy apres auoir long temps attēdu ils ioyront. Et ceux qui auront causé le mal seront amenés liés & garrottés aux

bonnēs villes principalement, ou leur procès leur sera fait, dōt ils seront tant contristés que tous secheront de melancolie : Et sera leur fin miserable par la faulx saturnique qui retranchera leur eage. D'auantage il y aura grand espouuentement pour raison de la ieu- nesse laquelle n'estant presque venue en l'adolescence & fleur sera opressee iusques a luy oster la vie.

Le 1 quartier sera le 13. a 7.h. 53.m. apres midy. temps chaut & sur la fin muable. Ce quartier de lune sera congneu *cui bono*. Les meurtres susdits auront estes faits, tellement qu'on iugera par experience, que le tout aura esté fait pour le repos & soulagement, car encores seront ils bien aises d'enfeuil- lir en leurs maisons les reliques des mors qui seront tant diligemmēt gar- dées & embasmées qu'il en sera nou- uelle, sinon du tout, du moins, douze
lunes

lunes apres. Les bouts rouges seront fort aymés de tous, & mesmement des femmes, lesquelles, outre leur coustume laisseront leurs maisons, pour les aller chercher, Et quant elles les auront trouuez, elles les tiendront bien chers iusques a les baïser, & loger avec elles: mais tel pensera cueillir la grosele qui se piquera les doigts.

La pleine lune le 21. de ce moys a 11. heures 15. minutttes deuant midy, qui nous promet grande chaleur & seicheresse puis le 23. orage & tempeste. Ceux qui se meslent de marchandise, aussi les prouiseurs serôt bien esbahys & en grande peine, attēdu que de toutes pars ils receurôt nouuelles, que les Anglois & estrāgiers n'aurôt rien laïssé en leurs granges: Dont plusieurs de desespoir chargeront maladies incongneuës, & mesmement les splenetiques, le meilleur sera de ne se facher

outré raison, & de se preparer pour recevoir toute fortune : *Sed hoc opus hic labor est.* La constance, *Rebus in angustis* se fera reluire.

Le dernier quartier sera le 29. de ce mois à 3. h. 52. mi. apres mydy temps inconstāt & humide plain de mauuaises vapeurs. En ce temps lon parlera du mariage de deux grands seigneurs terriēs qui se consumera, Dieu aydant au premier mois prochain, Et cependāt seront depeschés plusieurs ambassades, pour la nouuelle aliance qui seront empeschés par les martiaux desquels l'esperance sera frustree biē souuēt: Et ferōt les ambassades quoy qu'il en soit si biē leur deuoir, quilz rapporterōt toutes nouuelles agreables. ceux qui auront fait prouision pendant que le soleil estoit en Capricorne, & pisces, difficillemēt s'en defferont ayans perdu l'occasion de s'embarquer.

IVIL

I V I L L E T.

Le 6. de ce moys, la lune sera nouvelle à 11.h.53. minutes deuant midy, qui nous presage vn temps plein de chaleur, & le 8. & 9. pluye & orages. Les preparatifs qui auoyent esté faitz au moys precedent, pour celebrer les mariages des grands, se consumera en la region meridionale, pendant ceste lune & le quartier suiuant : Et seront receuz les nouueaux aliés par tous vniuersellement, avec grand contentement, tellement que beaucoup coucheront aux champs, pour en auoir les premiers la fruition.

Le premier quartier sera le 13. à 3.h. 54. minutes du matin, Chaleur grande qui causera plusieurs maladies. Il y aura grande dispute entre les nobles & les villains: encores que les gens de iustice se iettēt à la trauerse, pour y mettre la main, neantmoins la langue alte-

ree baillera si bons aduertissemens à son maistre, quil remportera les trophées des maillés, & leur fera l'on apprendre que c'est de la cōtrauention a la loy, qui sera pratiquée, iusques a execution de mort à l'encontre d'eux.

Pleine lune le 21. a 2. heures 30. minutes apres minuyct, tēps plain d'orage & pluyes grādes. Il se fera vne grande metamorphose, car les plus grans feront tant abaissés, qu'ils ne desdaigneront de faire l'office de iardinier: Et leur sera le rayō solaire (quils auoyent au parauant tant desiré) tresdeplaisant. Et trouuerōt ceux qui au parauant estoient espars & esgarés, decouuers & desolés, à leur grand detriement perre & ruine: Et s'ils ne changent d'habitation leurs voisins auront beaucoup de peines par leurs moyens.

Le dernier quartier sera le 28. a 10. heures 56. minuttes du soir, grande
chaleur

chaleur & sur la fin modérée: temps proffitable pour les biens terriens. Quelques alegresses se dresseront qui seront tantost esuanouyes: Ceux qui sont Mercurialistes entreprẽdront de bastir chose de grand artifice, de quoy ils viendront a chef, si le sinistre aspect de libra ne les empeche. Les enflés se defenfleront & seront remis en leur premiers estre.

A O V S T.

La nouvelle lune fera le 4. de ce mois à 10. h. 42. minutes apres midy. temps bon & chaut du commencement, & sur la fin pluye avec tempeste & orage. Tant seront les hommes persuadés, que quasi tous tiendront la campagne pour combatre ceux qui les gagneront a la fuitte, & se retireront a l'estrangier, qui en sçaura bien faire son profit, & leur dira meritoire-
d ment

mēt *sic vos nō vobis*. Plusieurs aprēdrōt la sciēce Mathematicque pour cognoistre la propriété du cercle qu'ils compasserōt par plusieurs fois sans trouuer le centre propice à leur intention.

Premier quartier sera le 11. à 4. heures 54. minut. apres midy, temps fort beau & propre a recueillir les biens. L'on congnoistra que il estoit temps au moys precedent de prendre les armés & maillés, car ceux qui seront de meurés ne pourront estre apprehendés quelque diligence que lon puisse faire. Et seront les peines des pourfuiuans perdues *rapidis ludibria ventis*.

La pleine lune sera le 19. à 4. h. 40. m. du soir. tēps paisible & doux. & le 23. iour tempeste & esclairs & pluye dommageable. En ce temps ceux qui frequentent les maisons Royalles, n'auront la chance tant oportune qu'ils pēsoyent, du moins la plus grande part,
qui

qui causera grande tristesse entre les Curialistes, & infinis reproches, car ils perdront en vn moment le fruit qu'ils attendoyent de leur labeur service & diligence, les vns desquels diront possible à tort : *Nolite confidere in principibus neque in filiis hominum.*

Le dernier quartier sera le 27. à vne heure 52. minut. apres midy, grands brouillars & petites gelees blanches, mais de peu de duree. Qui causera que beaucoup de voyages seront entrepris pour visiter les estrangiers, mais la monstre sera trop foible attendu que les bannieres & estandarts ne seront la plus part que de papier. Et en ces iours le commun populaire sera grandement effrayé de la venue du grand seigneur : Tellement que lon reprendra les armes posees, pour se tenir sur ses gardes, nonobstant lesquelles il y aura certains pirattes qui butineront

quelque chose ça & la, mais la perte ne fera grande.

S E P T E M B R E.

La nouvelle lune fera le 3. iour de ce mois à 9. h. du matin, qui nous promet vn temps humide & bruines du matin. & sur la fin chaleur. Les esprits des hommes serōt tant esueillés qu'ils metront toutes peines de rechercher les secrets de nature: Et les vns par artifice admirable sa paroîtront avec deux triades de iambes, dont ils seront si orgueilleux qu'ils voudront aller iusques au Ciel pour cōtenter leur esprit: Mais il est à craindre que quant ils y aurōt esté (qui sera le quartier suiuant) qu'ils ne s'en repentent, pour auoir expérimenté *Theouuian*.

Le premier quartier fera le 10. à 8. h. 53. minutes du matin temps chaud & sec. puis le 14. & 15. pluye avec vêts.

Quel

Quelques democrites seront veus qui ne retiendront gueres le nom, pource que tost apres ils tumberont en mesme mal que ceux qui leur auoyent apresté à rire, *nihil enim est ab omni parte beatum.*

Le plene lune fera le 18. a 10. h. 56. minuttes deuant midy. vent chaut & pluueux. Grande peur auront ceux qui par trop aurót abusé de la liberté, delaquelle ils seront autant eslongnés que autrefois ils l'auront approchée. Quelques coniurateurs *Vnius ob noxam* en partiront pour l'exemple.

Dernier quartier le 25. a 8. h. 52. mi. apres midy: qui nous menasse de temps nebuleux & pluueux & humide, avec froidure maligne. Les plus robustes à suporter les iniures du temps, & veilles continuelles, seront fort malades voire que les medecins y perdront toute la congnoissance, s'ils ne sont ay

dés par lart des mareschaux , desquels ils feront contraints emprunter en cest endroit la recepte. Le peuple s'assemblera pour mettre à execution quelque grand cas , qui causera vne merueilleuse resiouissance. Les vens seront si impetueux qui rendront infinité de maisons descouuertes.

O C T O B R E.

Le second iour d'Octobre la lune fera nouvelle à 19. minutes apres midy, le temps sera froid & humide participant de gelee blanche : Aux pendus & executés à mort par la sedition populaire , seront faits grands honneurs. De sorte que le grand seigneur se rendra triomphât sur toute la terre, & luy fera lon entree solennelle, pour sa subite conuersion tant attendue & desirée, Encores que son commencement ayt esté vn peu turbulent.

Le

Le premier quartier fera le 10. à 3. h. 52. minutes du matin, qui nous promet le temps s'entretenir en humidité & pluies longues. Pendant ce quartier ne sera parlé guere d'autre chose, que du grand seigneur, tant sera sa venue agreable aux hommes, qui s'esforceront selon leur possibilité de le festoyer & recevoir, Et expressement pour le loger seront faites maisons neuues de structure geometryque, en forme d'oualle aux frais du public, & des particuliers.

La pleine lune fera le 18. iour a 1. h. 34. minutes apres minuit : temps facheux gresillant avec pluies & vens. En ce tēps lon ne fera estat q̃ de ioye, festins, tournois & mascarades : vray est qu'en vn instant, il en y aura qui seront frappés de quelque maladie & fieure pestilētielle, dont ils seront tres-endommagés, pour la multitude des

humeurs qui les dominoit au paravant, Et pour ceux la, les autres ne lairront de continuer leurs coups.

Le dernier quartier fera le 25. à 5. h. 54. minutes du matin qui nous assure de beau temps du commencement, & sur la fin pluvieux & nebuleux avec broullars. Quelques seditieux & meus de malignité dōnerōt quelques coups contre la maison du grād seigneur, de forte qu'ils feront bresche: Toutesfois il leur sera expedient de se contenter d'autant, car ils seront condamnés à leurs propres frais de restaurer la ruine pour le moins.

NOVEMBRE.

Lune nouvelle le 1. iour de Novembre à 1. h. 41. minutes apres minuit: le tēps fera fort pluvieux & sur la fin gelee & froidure de peu de duree. Les vieux & les nouveaux se remue-
ront

ront & dresseront compagnies & en seignes pour leur conduite, les plus vieux auront bon conseil, & les nouveaux se fieront en leurs forces, lesquelles seront diminuées, car les nouveaux seront pressez d'une ebluition si grande qu'il faudra deueſtir & porter bas le corcelet, se laissant quasi à decouuert & en prôye, qui pourra causer la mort de plusieurs dont la mémoire sera grande.

Le 1. quartier sera le 8. à minuit, qui nous presage vn temps froid, nebuloux & humide, neige és montaignes. Les bestes au long museau feront bien leur profit, & pour tesmoignage en lairront vn Alpha insculpé au front de leur grand mere.

Pleine lune le 10. à 3. h. 35. m. apres midy. le temps sera Beau & sur la fin muable en pluyes & gelee blanche au matin, les riuieres ruineront beau-
e coup

coup d'Edifices. Ceux qui auront tiré vtilité pour vn benefice de la croix, & qui auront mal fait profiter leur talēt, seront tant odieux, que chacun y courra sus: Et feront contraincts abandonner tout pour euader: & dira lon *Qui fuit ille vada.*

Le dernier quartier sera le 22. à 3. h. 54. min. apres midy, qui nous menasse de neige 4. iours durant, puis apres pluye & verglaz. Les lettres seront honorees & les bons esprits auront grand contentement, & seront reueurez plus que iamais: Et bien heureux seront ceux qui les gouvernerōt vne heure paisiblement, & à leur souhait. La playe saignera longuement sans la pouuoir estancher.

Nouvelle lune le dernier iour à 2. h. 20. minu. apres midy, qui nous signifie tēps glacial, puis apres mutation. Et seront les neiges & froidures de telle

telle sorte(pendant ceste lune) que les animaux sauvages se viendront rendre iusques és maisons des particuliers ,dequoy l'on ne se contentera. Car plusieurs feront tout ce qu'ils pourront pour tirer ceux de leurs voisins en la leur, tant ilz feront insatiables. Les plus vaillans & robustes seront pelés, & mis en la premiere nudité.

D E C E M B R E.

Le premier quartier fera le 8. de ce mois à 6.h.52. mi. du matin: qui nous promet vn temps nebuleux & plein de broullars: puis le 12. temps serain & plaissant. Pendant ce mois seront faits grands meurtres: Et lors feront bien ceux qui ne seruent de rien en ce monde que de nombre leur vie durant, de soy tenir sur leurs gardes, d'autât que ilz seront recherchés curieusement.

ceux qui auront meilleure langue, seront les plus mal traités, si qu'estant apprehendés, ils passeront irremissiblement par le cousteau, tost ou tard.

Plene lune sera le 16. à 4. h. 15. min. du matin: qui nous rend certain d'un temps froid & sec, avec grand gelee, toute fois ne sera dommageable aux biens terriens. L'Idolatrie regnera plus que jamais, par le moyen de quelques nouveaux sectistes, qui persuaderont aux plus imbécilles, qu'il faudra s'encliner vers la beste & la baiser au descouvert: Mais l'opinion en sera tant ridicule, que le mois passé, il n'en sera plus de nouvelle, ou bien peu.

Le dernier quartier sera le 22. de ce mois à 3. heures 50. minutes après midy: le temps sera fort adonné à geleees lesquelles seront longues. Les Comptables seront tourmentés, quel que dispence qu'ils puissent aleguer.

Gran

Grande trāquilité fera avec les gens de iustice. Les hommes seront trēscurieux d'apprendre & de veoir les beaux liures. Qui les maniera trop rudement ny aura point de gaing.



L'Eclypse de la lune qui aura esté faite le 18. d'Octobre fera ses effets en ce mois, & au moys de Ianuier 1568. Et pource qu'il se fera en la 9. maison, qui estend sa signification sur les prodiges, Et que la lune est affligee d'un quadrat de Mars: Il nous est presagé, qu'ils s'eleuera quelques gens, lesquels exerceront si grande liberalité, tant enuers ceux qui leur seront congneuz, que enuers les inconneuz, qu'ils donneront à plusieurs de ceux qui leur demanderont autant, & à d'autres trois fois autant qu'ils auront: Mais (ò prodige

merueilleux) apres auoir à cent & cent personnes vsé de telle liberalité, ils ne trouueront aucune diminution en ce dont ils auront fait largesse : & demeurera le leur en son entier: Mais ceux qui plus prendront d'eux, plus y perdront: Et plus ils voudront augmenter ce don, d'autant plus leur bien se diminuera.

La nouuelle lune sera le 30. à 10. h. du matin : le temps sera froid, & les chemins paués de glace : Qui aura des crampons si les garde de peur des vrebetz.

F I N.

